

Izjava: Građani se trebaju osjećati sigurno u cijeloj BiH

“Ured visokog predstavnika (OHR) i Ured specijalnog predstavnika Evropske unije (OEUSR) ozbiljno shvataju vijesti o prijetnji predsjedniku Vlade Republike Srpske.

Svaki bh. građanin se treba osjećati sigurno na svakom kvadratnom centimetru Bosne i Hercegovine.

U proteklih nekoliko dana, OHR/OEUSR je bio u kontaktu sa EUPM-om i EUFOR-om, i preko njih sa sigurnosnim agencijama BiH, na državnom, entitetskom i kantonalnom nivou. Prema našim saznanjima, različite agencije su u međusobnom kontaktu, a poduzimaju se i odgovarajuće mjere.

Nakon što smo pratili razvoj cijele ove priče, OHR/OEUSR je bio iznenađen jučerašnjom izjavom Krstana Simića iz SNSD-a, u kojoj se navodi da iza ove prijetnje stoje islamski fundamentalisti.

Ako gospodin Simić ima bilo kakve informacije o tome, trebao bi ih odmah proslijediti nadležnim agencijama za provedbu zakona”.